

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02-11-4-2302-4/20

Datum: 21.07.2020.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav (1) tačka b) i stav (2) tačka a) i d), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke redovnog održavanja motornih vozila u garantnom roku, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU**  
**o poništenju postupka javne nabavke**

**I**

Poništava se postupak javne nabavke redovnog održavanja motornih vozila u garantnom roku za potrebe Uprave policije Ministarstva unutrašnjih poslova Kantona Sarajevo, i to:

- LOT 1 – redovno održavanje motornih vozila u garantnom roku marke VW
- LOT 2 – redovno održavanje motornih vozila u garantnom roku marke Piaggio.

**II**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

**Obrazloženje**

Na osnovu Odluke broj: 02-11-4-2302/20 od 10.06.2020. godine i Obavještenja o nabavci broj: 16475-1-2-55-3-47/20 od 12.06.2020. godine, proveden je otvoreni postupak javne nabavke redovnog održavanja motornih vozila u garantnom roku za potrebe Uprave policije Ministarstva unutrašnjih poslova Kantona Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-2302-3/20 od 20.07.2020. godine, kojim je utvrdila slijedeće:

da ponuđač AC Quattro d.o.o. Sarajevo u postupku predmetne nabavke nastupa u konzorciju sa ponuđačem Porsche Inter Auto d.o.o. Sarajevo. S tim u vezi oba člana konzorcija (oba člana grupe ponuđača) u obavezi su, u skladu sa tenderskom dokumentacijom i zakonskim odredbama, dostaviti Izjavu o ispunjenosti uslova iz člana 45. stav (1) tačkama od a) do d) Aneks III i Pismena izjava iz člana 52. Zakona o javnim nabavkama Aneks V potpisanu od strane ovlaštenog lica. Uvidom u aktuelni izvod iz sudskog registra člana konzorcija Porsche Inter Auto d.o.o. Sarajevo na strani 32/76 i 33/76 ponude, utvrđeno je da navedene izjave od člana konzorcija Porsche Inter Auto d.o.o. Sarajevo nisu ispunjene i potpisane od ovlaštenog lica. Članom 58. Zakona o javnim nabavkama BiH je propisano šta svaka ponuda treba obavezno da sadrži, pa tako u stavu (1) tački g) navedenog člana stoji: “potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji.”. Ponuda ponuđača AC Quattro d.o.o. Sarajevo i Porsche

Inter Auto d.o.o. Sarajevo ne sadrži punomoć na osnovu koje su naprijed navedene izjave potpisane. U skladu sa članom 68. Stav (4) tačka i) ova ponuda se odbaca jer ista nije potpuna i ne ispunjava zahtjeve iz tenderske dokumentacije.

Takođe, u predmetnoj ponudi su vršene ispravke korektorom na stranama 6/76, 7/76 i 8/76. Ispravke u ponudi se rade na način da iste trebaju biti vidljive, potvrđene potpisom ponuđača i sa datumom izvršene ispravke. U članu 18. stav (1) tačka m) Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) stoji: “Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke.”

U skladu sa naprijed navedenim, ponuda ponuđača AC Quattro d.o.o. Sarajevo i Porsche inter auto d.o.o. nije prihvatljiva.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-2302/20 od 02.07.2020. godine.

Zapisnički je utvrđeno da nije dostavljena nijedna ponuda u određenom krajnjem roku za:

- LOT 2 – redovno održavanje motornih vozila u garantnom roku marke Piaggio.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav 1. tačka b) i stav 2. tačka a) i d) Zakona o javnim nabavkama („Službeni glasnik BiH“, broj: 39/14), riješeno je kao u dospozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.

**POLICIJSKI KOMESAR**  
**Generalni inspektor policije**

**Nusret Selimović**

**Dostaviti:**

1. Sektoru za materijalno-finansijske poslove
2. Ponuđaču
3. Odjeljenju za odnose s javnošću, radi objave na web stranici ovog organa
4. a/a